

Banjalučanima izdato saopćenje: Spustite roletne, ne pomjerajte zavjese

Nakon današnjeg boravka u Sarajevu, Valentina Matviyenko, predsjednica Vijeća Federacije Federalne skupštine Ruske Federacije u utorak će posjetiti Banja Luku.

Uoči posjete ruske delegacije, MUP RS-a žiteljima Banja Luke je izdao saopćenje u kojem se navodi:

“Poštovani stanari i korisnici objekata,

dana 24. aprila u posjeti RS i našem gradu boraviće visoka delegacije iz Ruske Federacije.

S tim u vezi savjetujemo da navedenog dana, u vremenskom periodu od 11:00 do 17:30 časova ne izlazite na prozore, balkone, krovove, da spustite roletne, da ne pomjerate zavjese, te da bespotrebno ne izlazite vani u naznačenom vremenskom periodu”, stoji u obavještenju MUP-a RS.

Apelujemo na sve građane da se pridržavaju uputstava ministarstva i drugih institucija koje učestvuju u organizovanju posjete ruske delegacije.”

Ovaj proglas je na svom Facebook profilu objavio novinar i kolumnista Dragan Bursać i napisao kritički komentar

“Juče je u Sarajevu bila visoka ruska delegacija. Sarajlije nisu dobile naredbu da se zbog iste ponašaju kao stanovnici Varšavskog geta.

Za razliku od njih banjalučki oci, svoje građane doživljavaju i tretiraju kao maloumnu dvonožnu rulju, koja će eto iskežena, sve udarajući se po crvenim guzovima strašiti goste iz Rusije.

Ja ne vidim drugo objašnjenje za ovo gestapovsko saopštenje”, napisao je Bursać.

60

SHARES

[_ Share on Facebook](#)

-

[_ Tweet](#)

-

-

[Follow us](#)

-

[_ Share](#)

-

[_ Share](#)

-

[_ Share](#)

-

[_ Share](#)

-

[_ Share](#)

Date: 24-04-2018